



امور تحریر بہ ایچون فؤاد بکہ
وامور اداره ایچون آرتین افندی بہ
مراجعت اولنور.



مسلمکمزہ موافق آثار قبول اولنور.
درج اولنمایان اوراق اعادہ اولنماز.

معاونت

ادارہ خانہ سی باب عالی جادہ سندہ
۵۲ نومرولی « شرکت مرتبہ »
مطبعہ سیدر.



استانبول ایچون سنہ لکی مطبعہ دن
آلنق شرطیلہ ۴۰ طشرہ لره پوستہ
اجرتیلہ برابر ۶۰ غروشدر.

نسخہ سی ۱ غروش

پنجشنبه کونامری نشر اولنور ادبی، فنی و صناعی غزیرہ در

نسخہ سی ۱ غروش

ایله صانیرم نور خدا چشمنی تابان؛
هر لمحہ می بالله ایدیور روحی حیران!
عشقك ازلی نشئه سی . . نور ازلیت
روحك ابدی جذبه سی . . اذواق محبت
كلرنك شفق . . شمه قدسیه جنت
ایتمش یوقیزك حاله کویا که سرایت!
حوریلری مفتون ایده جك آنلی پریدر؛
جنتده طوغان خنده لی نجم سحریدر!
ع . نادر

طلوعه قارشی :

ای شمس منیر! — کیم ظهورك
تنویر ایله چهره حیاتی
پر خنده قیلار شوکلتانی! —
اولدجه لقای پرغرورك
قمرنده نهان شب حضورك
ماتمره غرق اولور طبیعت!
که بولسده انجلا قردن
کوندوزلره دونه س تاب و فردن؛
خالی اوله مازینه کدردن
پارلاق کوردم شې سحر دن!
افکارمی سوندیرر او ظلمت!
بر کره باتوبده مهر تابان،
قالدجه بوشمله شعله الوان
یکپاره قارالیدن عبارت؛
کویا چکیلر او کمدن افلاک
مقبرلردن نشان ویرر خاك! . .
لکن یینه ای ملیکه روز!
دیدنارک اولنجه طلعت افروز،
آفاقه سرایت جمالک
اکدارنی محو ایدر ظلالک؛
قابلار اودم ارضی، آسمانی
بر فیض بهار شادمانی.

برولوله حیات فانی؛
— فانی بیله اولسه، موته نسبت
الته حیات بر سعادت! —
هر صبح صفاسی کائناتک
بر جلوه شوقیدر حیاتک:
قوشلر اوتوشور . . اوچار ملکلر،
چاغلار دره لر . . آچار چیچکلر؛
جانلنق ایچون بتون شو عالم
سندن دیمک التفات بکلر.
ای شمس! ای کوکب معظم!
سن دیدر روشن بقاسک:
فیض نظرک قیلار، مسلم؛
احیا بو خرابه زاری هر دم.
بر منبع شعله صفاسک:
ایلر شوقک جهانی خرم . . .
ازهارینه عکس ایدرده نورک،
برقبری ده کولدیرر سرورک!

محمد فکرت

وفا بکک پراکنده اشعارندن:

غزلپاره

ممکن اولسهیدی تحمل حسرتک ابرامنه،
کیم دوشردی عشقک آراسوز آلامنه؟!
مبتلاقدن بتدر طبعه آسوده لک؛
بر نکاهکله خلل ویر کوکک آلامنه!
بلکه وصلتدر صوکی هجرانکک عالم بویا،
بن او حالک انتظار ایتمکدهم انجیامنه!
—
تخیلکا همه بر نور دوشدی عرش اعلا دن:
«امان کیمدر این بوندن؟» دیدم، اول بی امان چیقدی!
تجاهلدن نه در مقصد؛ بنم ای کوکک روحی!
بیان ایتمدم، عیان اولسون دیدم؛ دردم نهان چیقدی.

سنگ وجهکده اللهک علو صنعی کوردم؛
آنی تکبیر ایچون بر نعره آندم، بر اذان چیقدی!
نصل بن شمدی رجدو حاله کلم، ای یوجه طاغیر!
نه حال اولدی بکا بیلم! ایچمدن بر دومان چیقدی!

متصوفانه بر قطعه

بر کوزل شکلنه کیرسه امل
او کوزلک سن اولورسک کوزلم!
نه ایسه سن ده اوسک بی شبهه،
بن ایسه هم ابدم، هم ازل!
—
بن آغلاسم دو کولور ابرلر کشف کشف،
کولنجه سن آچیلر بیک کوزل بهار، کوزل!
—
مسکنم دیجور، دل زنجوردن؛ بن نردیم؟
سنگسار اوستندیم، بسبلی بر مقبردم!
مقبر اولسون اولماسین، بیلدم حزن بر یردم!
فرق ایدنلر وارمیدر بن هانکی عالمدریم؟!

بر چو جوق مزاری ایچون :

باق اعتبار ایله زار! شو مختصر قبرک
فنا ی عالمه دنیا قدر دلالتی وار!
تجبر ایتمش او بر صمت لایزالیدر،
که عمر زائلی تصویرده طلاقتی وار!
خطابت ایتمده روحه لسان غیب کی؛
بوپک کوچوک اثرک پک بیوک فصاحتی وار!

محمد فکرت